



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa
30 Jullu 2014

Semináriu nasional kona-ba mekanizmu kontrolu suspensaun ba pena prizaun iha kazu violénsia doméstika

Iha 31 Jullu 2014, Judicial System Monitoring Programme (JSMP) liu husi Unidade Justisa ba Feto no Labarik (WCJU) sei realiza semináriu ho topiku “Mekanizmu kontrolu suspensaun ba pena prizaun iha kazu violénsia doméstika.”

Oradór sira ba semináriu ne’e mak hanesan Dra. Ivonia Guterres, Prokuradora ba Menor Distritál Dili; Dr. Sergio de Jesus Hornai, Defensór Públika Jerál; Sr. Lino de Jesus Torrezão Diretór Sekretariadu ba Apoia Instalasaun Munisipiu, no Dra. Merrita Correia, Diretóra ALFeLa (Asistencia Legal ba Feto no Labarik).

“JSMP hanoin katak importante atu kria ka dezenvolve mekanizmu kontrolu ne’ebé efetivu ba kodenadu sira ne’ebé tribunál atribui pena suspensaun ih kazu violénsia doméstika sira, atu asegura katak pena suspensaun iha efeitu prevensaun iha futuro,” dehan Diretór Ezekutivu JSMP, Luis de Oliveira Sampaio.

JSMP observa katak durante ne’e, kuaze maioria kazu krime sira ho natureza violénsia doméstika konklui deit ho pena suspensaun, sein aneksa mekanizmu kontrola ruma ne’ebé aplika ba kodenadu sira. Lakunas ne’e rezulta kodenadu sira dala barak kontinua komete krime hanesan hasoru vítima sira, tanba sira konsiente katak suspensaun ne’e la’os forma ida hosi sentensa penal.

Iha relatóriu JSMP nian kona-ba Lei Kontra Violénsia Doméstika: Tinan tolu implementasaun ho nia obstakulu diskuti klean kona-ba situasaun ne’e. Relatóriu ne’e deskobre katak desde tinan tolu promulgasaun LKVD, porsentu 52 (52%) hosi desizaun hot-hotu ne’ebé JSMP monitoriza konklui deit ho suspensaun ba pena prizaun.

Bazeia ba realidade ne’e, semináriu ida ne’e dezeña ho objetivu atu explora alternativa ka opsau legal tuir lei aplikável no propoin mekanizmu sira ne’ebé posível atu kontrola implementasaun pena suspensaun durante períódu suspensaun nia laran. Aleinde ne’e atu hametin kordenasaun institucional liu-liu autóridade lokal no polisia komunitáriu sira nu’udar ajente prinsipal iha comunidade nia let ne’ebé mós kodenadu sira partense ba.

Partisipante ba semináriu ne’e konstitui hosi representante autór judisiáriu, entidades relevantes iha setór judisiáriu, polisia investigasaun no komunitáriu, xefe suku, estudante universitáriu, organizasaun sosiedade sivíl no mídia sira.

Programa ne'e realiza tanbá hetan apoiu finanseiru husi Norwegian Embassy iha Jakarta-Indonézia.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaune-mail: luis@jsmp.minihub.org

info@jsmp.minihub.org

Telefone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl